

憲宗大王實錄

卷之六

癸卯甲辰

0220299
no.6



230299 國立臺灣大學圖書館典藏
由國家圖書館數位化

7.10.10

癸卯

憲宗經文緯武明仁哲孝大王實錄卷之十

九年清道光十三年正月甲辰○乙巳○丙午以李翊會為漢城府判尹趙鶴年為

江原道觀察使○丁未○戊申上御春塘臺行歲首犒饋○己酉○庚戌○辛

亥以金道喜為吏曹判書金左根為兵曹判書○壬子以金蘭淳為司憲府大

司憲南獻教為成均館大司成○癸丑上御熙政堂引見大臣備局堂上命英

陵寧陵祭物敬遵齊陵厚陵健陵事設分奉常寺于驪州使之舉行命旌故叅

判林景鎮閭贈故學生尹慶會臺職兩人俱以孝聞也○甲寅以李明迪為司

諫院大司諫朴晦壽為漢城府判尹○乙卯○丙辰○丁巳○戊午京各司各

營進壬寅會計簿戶曹納縣惠廳兵曹訓局禁管御管提廳時在黃金一百四

九分錢文一百五十萬八千七百九十七兩二分銀子二十三萬六千九百七十三兩二錢

元九尺木二千五百四十七尺三寸二分零毫布一百三十九石八斗七升零

尺布子一千六百一十一斗七升零米二十一萬九千四百八十二石四斗七升零

六十六石六升零○己未宣諭經筵官宋來熙成近默洪直弼○以李翊會

為司憲府大司憲○庚申○辛酉○壬戌○癸亥○甲子○乙丑○丙寅○丁

卯○戊辰○己巳○庚午○辛未○壬申設人日製于泮宮○癸酉○二月甲

戌○乙亥以許榮為三道水軍統制使兼慶尚右道水軍節度使○丙子以柳

相鼎為黃海道水軍節度使○丁丑○戊寅以金祖根為舟師大將○己卯○庚辰○辛巳以徐戴淳為吏曹參議○壬午○癸未○甲申○乙酉白氣見於西方○丙戌○丁亥○戊子○己丑○庚寅○辛卯晝講于熙政堂○壬辰○癸巳○甲午晝講于熙政堂○乙未晝講于熙政堂○丙申召對於熙政堂○白氣漸移北方○丁酉白氣見於西方○戊戌晝講于熙政堂○白氣又移北方○己亥上展拜于宗廟景慕宮春謁也○監試覆試進士閔種河生負李晚運居首○庚子設三日製于泮宮○以金熙華為工曹判書○辛丑○壬寅○癸卯○三月甲辰○乙巳○丙午上詣景祐宮展拜○丁未○戊申○己酉○庚戌白氣滅○辛亥○壬子○癸丑召見回榜老人奉朝賀金履陽五衛將柳韓姜忠永于熙政堂○甲寅上御熙政堂親受生進謝恩○乙卯○丙辰○丁巳○戊午上詣龍驤鳳翥亭召見經筵官洪直弼○上詣華城行宮○己未上詣健陵顯隆園展謁親祭○命本府朝官士庶年七十以上令留守分等賜米○庚申上詣華寧殿行酌獻禮○設水原儒生應製于校宮賦居首沈厚善直赴殿試○上詣東將臺行夜操○是日有伊川流民崔寬裕者從昌慶宮拱北門水閣闌入被捉捕廳窮覈之無他端命逐惡島為奴○辛酉還宮○壬戌健

陵顯隆園亞獻官以下及華寧殿提調以下施賞有差○命禮房承旨金學性
加資○正廟朝法從抄啓人上護軍金箕殷金履載大護軍宋冕載工曹判書
金熙華護軍尹尚圭申緯副護軍李義發命並加一資○命判中樞府事金在
昌處遣曹郎賁紬米存問○命護軍李惟秀任聖臯金煥並加一資以正廟朝
武臣侍從也○命執義徐有薰掌樂正李經在司僕正任百秀副司果金英根
並加資親祭時執事也○癸亥召對于熙政堂○甲子○乙丑召對于熙政堂
○以徐左輔為司憲府大司憲○丙寅召對于熙政堂○丁卯召對于熙政堂
○戊辰○己巳以趙雲澈為成均館大司成○庚午上御仁政殿月臺行太廟
夏享誓戒○設春到記于仁政殿講居首韓容惠製述賦居首李光洙並直赴
殿試○辛未召見入格儒生于熙政堂○設日次儒生殿講于仁政殿居首權
應夔直赴殿試○以金蘭淳為刑曹判書○壬申召見回還冬至兼謝恩使于
熙政堂○癸酉○四月甲戌○乙亥○丙子上詣太廟齋宿○丁丑行太廟夏
享○文科講經一所申學典二所李鍾灝居首○戊寅○己卯以閔致成為吏
曹參判○左議政鄭元容疏辭相職許之○式年文科會試取安喜壽等三十
三人○庚辰○辛巳○壬午上御春塘臺行式年文武科殿試文取柳光睦等

五十二人武取金樂文等四百二人○癸未○甲申○乙酉○丙戌上御春塘
臺行瑞惹臺試射○副司直洪直弼從縣道上疏曰臣聞人主至尊無上在上
可畏者惟天為然若慢不知敬忽不知戒則天乃震怒而譴告之謹告而不改
則棄絕而至於覆亡矣近日天心未豫災沴竟月五陽之節雪霰交下咎徵之
現不啻凜然天之所以降災者蓋亦眷顧我殿下丁寧告戒俾有扶持全安也
殿下信能惕然憂恐側身修省則回沴氣為太和易危象為太康惟在轉移間
耳伏聞近者鎮日召對仰認聖志奮發體天不息昔宋帝云朕居禁中自有日
課先正文簡公臣金昌協嘗云日課之功最易見効殿下所以遜忘時敏者一
此不懈則可無一曝十寒之患矣伏願殿下懋哉懋哉批曰所陳諸條無非先
聖先賢格言至論而至於災咎修省之說尤為痛切著明予用感歎當作箴戒
所可愧者不能致爾於經席之上日聞啓沃耳○丁亥○戊子○己丑上御仁
政殿行式年文武科放榜○庚寅上御熙政堂受文武新恩謝恩○教曰此家
伸暴之後其子科名良用興感新及第尹定鉉弘文校理除授○教曰麻提督
之後孫始有科名則在朝家軫念之道豈與李提督家有異乎新榜出身麻夏
帛宣傳官作案除授○上詣永禧殿展謁儲慶宮籙祥宮延祐宮宣禧宮展拜

○辛卯遞禮曹判書徐熹淳以熹淳還代之○壬辰○癸巳上御熙政堂引見大臣備局堂上右議政權敦仁啓言兩營停番間因度支事勢退展數年矣聞已準限自今年固當依例上番而許久停番之餘猝地徵調似或有多少貽弊且來頭信需不得不預為經紀限三年姑為仍停請使度支逐年留儲以為臨時入用之地從之○以李翊會為司憲府大司憲○甲午○乙未○丙申以李惟秀為漢城府判尹○丁酉○戊戌○己亥○庚子○辛丑○壬寅以朴晦壽為禮曹判書○五月癸卯上詣景慕宮齋宿○甲辰行景慕宮夏享○命翼靖公洪鳳漢施以不祧之典○判下永興本宮後麓補築時監葺以下施賞別單○乙巳○丙午○丁未○戊申○己酉給聞慶縣燒戶恤典○庚戌○辛亥○壬子上御熙政堂引見大臣備局堂上○以李基華為司諫院大司諫金興根為刑曹判書○癸丑○甲寅○乙卯○丙辰教曰即見捲堂所懷則泮長事誠可訝也食堂之或少或多原非硬定之事則今以到記稍多至於班首付罰云者豈不有欠於權輿之義乎此不可不一聞其實大司成趙雲澈招致啓板前問啓以入政院啓言問于大司成趙雲澈處則以為捲堂所懷與前後事狀一切相反蓋食堂之各書到記自是古規而臣屢度提飭慢不聽從故不得不先

因下隸次罰班首只出於申明舊式釐改謬習寧或以或多或少或較計於賢關
享士之地云教曰觀此問答洋儒所懷誠可駭歎而欲為之處分則反傷事面
子非不洞燭而然也自今以後食堂到記復舊例必令各書以為洞革謬習之
地泮長別無所失使之退去付罰之兩班首實有不能檢飭者並停舉仍以此
傳教付之食堂壁上○丁巳○戊午○己未○庚申○辛酉○壬戌○癸亥○
甲子○乙丑○丙寅○丁卯○戊辰○己巳○庚午○辛未○壬申○癸酉○甲戌○
乙亥○丙子○丁丑上御熙政堂行藥院入診引見大臣備局堂上飭兩銓擇守令及初仕
命慶山還穀指徵無處中民逋二萬一百五十三石蕩減命安岳郡逋吏朴志
畊即其邑大會民人集首警衆錢逋一萬七千兩零穀逋九千八百石零也○
戊寅召對于熙政堂○己卯○庚辰○辛巳○壬午○癸未○甲申○乙酉○
丙戌○丁亥○戊子上御仁政殿行日次儒生殿講居首洪原鍾直赴殿試○
己丑○庚寅○辛卯○壬辰○癸巳○甲午○乙未○丙申○丁酉都政下批
以徐左輔為吏曹參判李奎鉉為司憲府大司憲任百秀為司諫院大司諫○
戊戌召見守令邊將初仕人于熙政堂○己亥○庚子○辛丑○七月壬寅○

癸卯上詣仁政殿月臺親傳宗廟永寧殿秋享香祝○甲辰以金興根為戶曹判書李穆淵為刑曹判書○乙巳○丙午上御熙政堂行藥院入診引見大臣備局堂上許施陽智縣戊戌以後公納排年之請重推京畿監司李若愚仍命未捧守令查發論勘右議政權敦仁啓言凡係事大之節即是有國之所重而近來習俗淪巧紀綱隳壞歲幣方物紬苧紙木之品歲益薄劣麤細之相錯長短之交雜已無可言而甚至於紙地則或以十六七張作束紬苧則或以數三十尺作匹燕庫呈納之際噴舌備至幾乎生梗貢人輩則不念國事之重惟以利己為能負役則從中奸弊去益無嚴恣其舞弄若一向姑息或至有辱國之舉則雖斬此輩幾十名將何以少湔其恥乎自今番冬行各項物種一一各別精備看品之時務加審擇而筵飭之後若無實効則該貢人及負役輩嚴刑遠配不善檢飭之當該堂上從重論勘教曰各別申飭○丁未以朴岐壽為兵曹判書○戊申○己酉○庚戌以李光正為吏曹判書○辛亥○壬子以朴永元為戶曹判書○癸丑以洪學淵為吏曹叅判李公翼為成均館大司成李定鉉為忠清道兵馬節度使金翰詰為慶尚左道水軍節度使○甲寅○乙卯○丙辰○丁巳○戊午○己未○庚申○辛酉以李時在為吏曹叅議李宜植為慶

尚左道水軍節度使○壬戌○癸亥○甲子○乙丑○丙寅○丁卯○戊辰○
己巳以任聖臯為漢城府判尹○庚午○閏七月辛未○壬申○癸酉○甲戌
○乙亥○丙子○丁丑以李膺緒為慶尚左道水軍節度使○戊寅○己卯○
庚辰上御熙政堂引見大臣備局堂上飭各部濫訟之弊右議政權敦仁啓言
顧今揀時急務未有先於改量一事而舉措稍涉張大人情每狃姑息百餘年
來未嘗無議而尚未修舉矣嶺南則漆原量事姑未知何以竣役而既施於一
邑則他邑當有繼之者待秋成擇其可行之樂邑使之次第設行之意請關飭
道臣從之又啓言人君治法必以抑近習為先而近聞此輩或恣行外道貽弊
民邑云關飭諸道一體嚴飭於內班院批以另加嚴飭○辛巳○壬午○癸未
○甲申○乙酉設七夕製于泮宮○丙戌○丁亥以金煥為漢城府判尹○戊
子○己丑○庚寅○辛卯○壬辰○癸巳○甲午○乙未○丙申○丁酉○戊
戌上展拜于太廟秋謁也○己亥以金興根為刑曹判書金公鉉為成均館大
司成○庚子○八月辛丑○壬寅上御熙政堂引見大臣備局堂上革長津府
為長津鎮改府使為僉使各樣通穀一萬四千石零蕩減長津本鎮堡也設邑
以來徭繁投穰民散之四至是因道啓廟奏有是命○癸卯上詣仁政殿月臺

親傳景慕宮秋享香祝○以金蘭淳為刑曹判書○甲辰○乙巳○丙午○丁未○戊申○己酉上展拜于綏陵行酌獻禮是日翼宗誕辰也自前夜兩大霽不止遣宣傳官探道路水勢水沒馬不能涉大臣政院王堂交章請寢不許抵申刻兩小止上遂出宮詣陵兩行禮及還宮日已曠矣○庚戌○辛亥命綏陵親祭時執禮副司果金德喜大祝副司果李埈禮房承旨李啓朝並加資○壬子○癸丑○甲寅○乙卯○丙辰行日次儒生殿講于仁政殿○丁巳○戊午○己未○庚申召對于熙政堂○以李奎鉉為漢城府判尹加望也○知經筵朴綺壽五疏請休致許之○以李穆淵為司憲府大司憲○辛酉○壬戌○癸亥○甲子中宮殿有患候命藥院輪直○命永興府院君別入直○以閔致成為司憲府大司憲○乙丑命藥院並直○上御重熙堂引見時原任大臣○中批以金興根為禮曹判書○中宮殿昇遐于大造殿○命宮城扈衛○丙寅禮曹啓言大行王妃喪大王大妃殿服制謹依補編受教以總麻三月磨鍊○以沈宜升為告訃使徐相教為書狀官○丁卯○戊辰○己巳○九月庚午行王妃成服○以洪在詰為吏曹叅判李穆淵為司憲府大司憲○以醫官秦慶煥金珪卞鍾浩韓相瑚鄭億吳昌烈李河錫姜泰益等拿鞠傳旨教曰俄者兩司

啓辭雖已依啓辛巳之勸謹遵丁丑聖教今番諸醫官並安徐○辛未王妃謚

號孝顯慈惠愛親曰李顯殿號徽定陵號景陵○壬申○癸酉○甲戌○乙亥○

丙子○丁丑有虎入景慕宮後苑命該管門獵捉○戊寅○己卯○庚辰○辛

巳○壬午○癸未○甲申上御熙政堂召見山陵看審都監提調以下○乙酉

○丙戌教曰和陵陵役時本道監司趙冀永加資○以朴晦壽為司憲府大司

憲○丁亥教曰山陵以穆陵舊基為之三看審後仍為封標○以李公翼為吏

曹叅議○戊子○己丑○庚寅○辛卯○壬辰○癸巳○甲午○乙未○丙申

上有痘候藥院入診于重熙堂○丁酉藥院口啓請診仍請自今日直宿賜批

○戊戌上御重熙堂藥院入診召見原任大臣及永興府院君○己亥○十月

庚子○辛丑上御重熙堂召見藥院提調原任大臣及永興府院君○壬寅○

癸卯○甲辰○乙巳○丙午○丁未命侍藥廳撤罷提調退直本院○侍藥廳

都提調以下施賞有差提調大護軍金道喜副提調行都承旨徐左輔加資又

命行護軍趙秉龜加資○以李若愚為刑曹判書○以沈宜臣為京畿觀察使

姜時永為忠清道觀察使○戊申○己酉○庚戌○辛亥○壬子召見藥院提

調及判府事永興府院君于重熙堂都提調趙寅永曰我國貢上中莫重莫大

者無過羅蒙而近年以來奸孽層生至於造孽而極矣山孽蘆頭膠粘於家孽
所謂真品絕無見存此不可不大加懲創此後若有家孽粘付之現發者則該
參商斷當施以一律矣○癸丑○甲寅命漆原縣田畝結總以新量行用○乙
卯月有食之食在地下○以趙冀永為司憲府大司憲○丙辰上御重熙堂召
見時原任大臣請對也右議政權敦仁曰即者山陵都監諸堂有往復於臣且
送相地官一負以為為開基址略去浮土則有金井炭末之露出者似是舊墳
之地而當初既以舊墳之為極吉而定則今不必以炭末之露出有所驚悚而
其在慎重之道不可不一番更審後決定故求對仰達而圖形亦為持入矣上
曰出去更見後可定也領府事趙寅永曰因用舊墳既有元陵已例當更為看
審後決定矣上曰時原任大臣皆進去乎寅永曰臣忝在藥院提舉今當輪直
之時出往城外極為未安矣上曰此是大事何可不往乎○以成遂默為成鏡
道觀察使以沈樂臣為成鏡南道兵馬節度使○丁巳上御重熙堂召見山陵
看審大臣禮堂看審後入來也領府事趙寅永曰若以他處論之則改卜山陵
事體當然而此地則已驗之吉且有元陵已例可以援用於今番而地師之言
皆曰退占於四尺許之地則亦為叶吉云莫重莫大之事臣等不敢擅便以狀

啓仰奏惟在處分之如何矣上曰以稍左所議之地更為封標可也○戊午○
己未○庚申○辛酉行聖痘平復陳賀于仁政殿權停例也○赦○以洪鍾英
為慶尚道觀察使○壬戌○癸亥○甲子教曰更思之于於今番不過貽憂於
兩慈殿而有何可稱之慶乎增廣太涉張大以庭試擇入○乙丑命知中樞府
事金道喜拜相○丙寅○丁卯禮曹判書金興根疏略曰臣於慶科科名成命
改下者係臣職掌舉行既有愚見有不容不更俟處分者庭試增廣均之為慶
科而大慶之必增負廣額而取之者所以增此慶也廣此慶也今茲聖教之過
自冲挹務存節約臣豈不欽仰而第念昔在純廟乙丑亦嘗有殿下今日之命
禮堂之違覆大臣之詢同卒蒙反汗嗚呼聖神謙光之美吉慶罕有之會既一
揆於前後則使伊時禮臣之言得以復行於今不亦為繼述之盛也哉伏願亟
寢成命以增廣設行批曰藉曰飾慶庭增一也何必為豐亨張大之舉乎○戊
辰左議政權敦仁陳劄請慶科以增廣設行批曰卿既以繼述之義為言則予
亦有不能自行者所請依施○十一月己巳日有食之○庚午○辛未禮曹判
書金興根疏略曰臣職在議禮有不敢泯默者今此大行王妃卒哭後殿下燕
居時白布裹笠載在補編自臣曹啓下矣竊念內喪在先卒哭後羣下進見既

用烏帽黑帶而殿下白布笠一如公除以後則是上下之服參差也本編傳重服制釐正條公除後燕居以黑布裹笠磨鍊又以練後黑笠載錄無論公除後練後以今杖暮燕居之祥後黑笠較看則反有重於傳重並舉君臣之服而定之以白布笠者雖未仰度微變微言禮之漸也故羣下進見之服既寓微變之意則惟於殿下笠制以其燕居所用而無所差殊於時月節次之際乎且歷尊處自有其制而問寢視膳進見無時則又何以折衷於進退之間各得其至當乎伏乞下臣此章廣加詢訪於大臣館閣堂上在外儒賢批曰斯制之可疑果如卿言依所請收議尋因僉議詢同卒哭後燕居以黑笠為制○壬申○癸酉以具載龍為慶尚左道兵馬節度使申觀浩為金羅右道水軍節度使○甲戌○乙亥○丙子○丁丑以南獻教為司諫院大司諫○戊寅○己卯○庚辰○辛巳○壬午○癸未○甲申○乙酉成均館啓言臣聞居齋儒生今日夕食堂有捲堂之舉招致諸生問其捲堂之由則諸生等書進所懷以為臣等即接奉陽院儒再到通章則全羅監司徐箕淳於南原都會試士之場以目無全牛為賦題噫嘻目無全牛四字即斯文亂賊凶鏢詆辱先正臣文正公宋時烈之句語也箕淳以此四字肆然懸揭於多士之會者意豈徒然事有源委粵我正宗

大王曠感於先正臣文正公金麟厚道學文章節義論之以首倡絕學直尋正
脉特許躋廡仍賜改謚又命其後孫直賢入侍任以文集刊行之享財捐內帑
局設芸館特定校正搢紳八有司又使兩南關西道臣及將臣守宰各助楮貨
必欲廣布遺文嘉惠後學不幸遽遭庚申靡遑竣功仍而直賢茹恨而歿遺托
其侄履祖替幹是役不意履祖罔念義分不貲楮貨盡歸私橐一部遺藁竟不
印播其子邦斗素以癡蠢不思蓋愆惟事漫漶以至宗族鄉黨之責言並臻館
學校院之聲討連葑而終緣邦斗之東西行賄前後沮搪迄今四十餘年了無
印布之期至有先正本孫前正言臣金羽休去年冬疏舉而聖批隆重致勤道
查之命箕淳初不親執查事專委於地方官鄭善教則不取兩造之招單報一
邊之辭箕淳綢繆和應甚至先正祀孫臺臣父兄枷囚營邑乃於八月巡到南
原之日接見華院通章內懷憾毒無所逞發即日試士特出此題嗚呼列聖朝
禮遇兩先正也可以俟百不惑而箕淳不滿於金文正而沮戲其印集之事自
絕於宋文正而侵辱以試士之題邦斗則以賢祖之孫不念先王之殊恩不有
士林之正論文正之遺文將至湮沒而不傳臣等不勝痛惋齊聲明張而本館
齋任俱有實故無由上徹以此情踪不敢晏然入堂恭俟處分云教曰完伯事

真有是也侮賢醜正厥罪何居然而此若非病風喪性者萬萬無此理矣况此
宰臣為此家人乎無心之中巧有湊合容或有事情之偶然而有意看過把持
無餘則不幾為挾搆搆成之歸而况以先正遺集之查事延拖捏合於道臣試
題至及於其時查官而臚列論斷直驅周測則世豈有完人亦豈能以此服人
心哉苟其不然予所嚴斥豈待爾等言乎至於遺集行查事令該曹更為嚴飭
行關使之即速舉行以此曉諭即為勸入○教曰泮儒捲堂事予固以為太不
稱當已有所洞諭者而科題之禁莊列自有舊典則此雖非大比之比以此拈
出豈非乖當之甚乎全羅監司徐箕淳施以譴罷之典○泮儒再陳所懷教曰
前諭已悉予意爾等何不曉然又為再次所懷乎聖廟空齋何等事體而尚不
還入乎予當更諭之矣今日此四字即鑄賊詬辱大老之言則固然而若曰賊
鑄自造之語則不可莊周本文既無目無二字故爾等認以為賊鑄自造之語
乎爾等獨不見紫陽書中有此語乎此不過偶爾拈題而若是捏合烏能使彼
無辭抑服乎設如爾等之言彼固真出於掇拾賊鑄之悖說陰肆先正之誣辱
此果有一毫加損於先正一分利益於道臣而然乎似此事理較然甚明則何
為而若是屢煩乎又設如爾等之言何必臆逆於然疑之間摸索於形影之外

以自取誣辱乎今有一言可辨者自本館三懸鈴行關於本道伊時解題及居
魁試券使之謄上以覈其只引莊語與專引紫陽書與否後據實草記為可以
此更諭使之斯速還入○丙戌○丁亥○戊子上御重熙堂行藥院入診引見
大臣備局堂上上曰日前捲堂事此何故也完伯豈知而故為乎此必無心之
致也左議政權敦仁曰下教至當矣洋儒之論則歸之醜正斥之甚嚴果若有
心為之則烏可免醜正之目而臣則以為以不平於華陽諸儒移怒先正至懷
誣辱甘心與鑄賊同歸恐是事理之外日前批旨及即今下教誠為至當矣上
曰目無金牛四字非莊子本文而乃鑄之自造句語云矣此在於朱書矣敦仁
曰臣亦未及知為朱書句語伏見日昨批教後始知之矣待其解題及科作上
來則自當有下之道矣上曰當初河西集事行查有何所難而如是處之乎
敦仁曰查事委折臣亦未得詳聞而初因金羽休疏使之行查初查之不誠實
至今再查而終不善為雖未知何為其然而成命之下如是舉行是豈成說乎
極為非矣上曰前完伯事太不善為矣○以林翰鎮為司諫院大司諫李根友
為成均館大司成金景善為全羅道觀察使○己丑贈殯殿謚○庚寅○辛卯
○壬辰○癸巳○甲午○乙未○丙申王妃攢宮啓○丁酉○戊戌○十二月

己亥○庚子葬孝顯王后于景陵○王妃虞駕至自山陵○辛丑慶州府尹朴長復以催科事濫殺李亨觀兄弟因亨觀妻璉顯下本道行查竄長復于渭原郡○壬寅○癸卯○甲辰○乙巳○丙午○丁未○戊申殯殿都監堂上大護軍金蘭淳禮曹判書金興根吏曹判書李光正都廳校理趙龜夏國葬都監堂上兵曹判書朴岐壽戶曹判書朴永元知敦寧金左根都廳副司果南秉哲副司直李宗秉山陵都監堂上知事洪敬謨左叅贊趙秉鉉大護軍朴晦壽都廳副司直趙徽林副司果南性教虞主書寫官副護軍閔致文並加資○己酉以曹雲承為成均館大司成○庚戌○辛亥○壬子大王大妃殿命京外處女禁婚單子正月內收入○癸丑○甲寅以金東健為司憲府大司憲吳取善為吏曹參議李圭祊為黃海道觀察使○乙卯教曰前後提飭何如而關西殿最果何為也通一路皆善治乎道臣不欲事事乎將謂予無足畏憚乎歷日思之寧欲無言原啓本還下送使之改修正上送事令廟堂撥馬行會○丙辰○丁巳○戊午上御重熙堂行藥院入診上曰西伯殿最事此何故也通一路果皆善治乎殿最法意何如前後申飭亦何如兩對揚之道固當如此乎果謂予未能照察而然乎寧有如許道理乎都提調金道喜曰聖教誠然矣四十餘州豈無

一人之可以居中者乎道臣事果萬萬不可雖無下詢臣將欲仰達矣况前後提飭之下如是舉行尤不勝駭然而第伏念日前傳教中無足畏憚四字此非但道臣之決無是理實非臣子所可承聞者大聖人辭教恐不當若是迫切欲加處分何所不宜而至有此過中之教乎上曰卿言亦好矣道喜曰伏願繼自今凡於絲綸之間益懋鄭重允合於辭為經聲為律之度焉○己未○庚申設翰林召試于仁政殿趙龜植李裕膺李墩被選○辛酉○壬戌○癸亥設柑製于仁政殿賦居首李教英直赴殿試○甲子召見入格儒生于熙政堂○都政下批以曹錫亨為吏曹叅議閔致成為司憲府大司憲宋持養為司諫院大司諫金宅基為京畿水軍節度使兼三道統禦使喬桐府使○乙丑召見守令邊將初仕人于重熙堂○丙寅○丁卯京兆獻民數五部及八道都元戶一百五十八萬二千三百十三戶人口男女並六百七十萬三千六百八十四口

憲宗經文緯武明仁哲孝大王實錄卷之十

憲宗經文緯武明仁哲孝大王實錄卷之十一

十年清道光十四年正月戊辰命奉朝賀金履陽特賜几杖以年滿九十也○己巳

以趙元錫為咸鏡北道兵馬水軍節度使○以朴晦壽為吏曹判書趙冀永為

禮曹判書○庚午輔國崇祿大夫領敦寧府事永興府院君金祖根卒命告由

于徽定殿○辛未○壬申○癸酉以金煥為御營大將趙寅永為扈衛大將金

興根為兵曹判書○甲戌○乙亥○丙子○丁丑○戊寅○己卯○庚辰召對

于重熙堂○辛巳○壬午京各司各營進癸卯會計簿戶曹節屬憲廳兵曹訓

黃金一百四十二兩一分銀子二十二萬五千四百三十四兩一分零錢文

一百一十七萬八千七百七十一兩九錢八分綿緝一百五十四兩四分零錢文

八千二百一十七石二斗二升零太二萬五千九百四十二石五斗一升零田米四萬

九千二百一十七石二斗二升零太二萬五千九百四十二石五斗一升零田米四萬

重熙堂召見奉朝賀金履陽賜几杖後進箋謝恩也○乙酉○丙戌上詣徽定

殿行奠酌禮○丁亥○戊子○己丑○庚寅○辛卯○壬辰上御重熙堂行藥

院入診引見大臣備局堂上左議政權敦仁啓言宋能相之備要劄記亦不過

考據禮書參辨已疑而蓋劄記出於能相二十歲以前者則下語之際設或有

率爾不審之失遽加以侮毀先賢之目固已過矣况備要一書雖經先正臣金

長生鑑正其書則申義慶之編輯而先正之所追錄識別者序文後叙可按而知則當初儒疏之聲討終未免挾摘之太深而至曰私絕淵源陰懷異心其亦言之不成事理也先正臣金長生即先正臣宋時烈之師而能相乃宋先正之孫也以孫而不滿於其祖之所嘗服勤而乃反私絕淵源云者是豈天理人情之所近似而竟歸之於譏貶朱子誣悖先祖則尤烏可捃摭之至於此甚乎儒者削逸即是死後極典追律三十六年未蒙伸白簡乎踈理固為聖朝美政而事關斯文臣不敢擅斷請詢議于時原任大臣處之尋因詢同從之敦仁又啓言宋文欽以先正臣宋浚吉之玄孫服襲家庭薰陶賢兄經術行誼文章言議為一代賢士大夫之所推重以其不喜標致力辭薦剡雖不在旌招之列而似此特異之人特令選部贈以長憲兼祭酒之職從之○以金興根朴永元為奎章閣提學金學性為直提學趙禹錫為全羅道兵馬節度使李熙綱為全羅左道水軍節度使李熠為忠清道水軍節度使○癸巳○甲午設人日製于洋宮○乙未○丙申○丁酉○二月戊戌○己亥教曰科場嚴考試公然後人才可興士趣可正其嚴不嚴公不公顧不在主司之實心對揚乎百年積弊雖難一追論而向者大臣建奏特大略耳國有開和予何多誥令廟堂以此下教

更為措辭關飭於掌試道臣及北評事處仍令政院招致京試官都事於啓板
前各別曉諭○庚子○辛丑上展拜于太廟景慕宮春謁也仍詣望廟樓行禮
上曰御真所奉處溫埃乎廳事乎戶曹判書朴永元曰溫埃矣上曰雖或點火
恐有烟氣侵濕之慮暫為移奉於他所改為廳事似好矣○壬寅○癸卯上御
重熙堂召見回還告計使○甲辰○乙巳○丙午以閔哲為全羅左道水軍節
度使○丁未畫講于重熙堂○戊申○己酉○庚戌○辛亥○壬子上御重熙
堂行藥院入診引見大臣備局堂上擢徐左輔趙容和金東健為正卿○以李
應植為右邊捕盜大將○以李奎鉉為刑曹判書徐左輔為漢城府判尹金鑑
為全羅左道水軍節度使○癸丑○甲寅○乙卯○丙辰○丁巳○戊午上詣
慕華館迎勅○勅使行諭祭于魂殿○接見勅使行茶禮于明政殿○己未上
詣館所接見勅使行茶禮○庚申○辛酉上詣館所送勅使召見伴送使李若
愚○壬戌刑曹判書李奎鉉疏曰臣於月前待罪京兆時本府禁隸被打於北
漢營屬而搃戎使柳基常謂以其所管轄之地妄生相持務勝之意縛打吏隸
之校卒拒逐官差之門將惟意容護不即捉送臣為念周便之方悖校則薄勸
犯漢則收贖豈有一毫之割着搃使而反懷遂非逞憾之心衡言凌踏臣之遞

職翌日縛拿該吏還索罰鍰盛氣咆哮舉措駭妄堂堂掌法之司忽遭前所未聞之事禁詰聽理府曹無異不敢以承飭一赴晏然躡冒乞治臣溺職之罪批曰省疏具悉苟有是也彼固可駭何至於此辭職乎○教曰今以秋判疏觀之搢使事不可但以虧損朝體言施以罷職之典尋仍之○教曰此係先正遺集之事而又登臺疏故姑使之行查則此胡甚難而始也單查單招草草了當已不成事體仍又遷訖不為舉行以致屢煩飭教者果何故也至於揭題不審之失前已勘罷而若曰真如言者之言意在移怒自陷醜正之科云爾則叅以事理寧有是也寧有是也但職在藩臣擔閣朝令法紀所關不可仍置前全羅監司徐箕淳施以湖沿投畀之典配茂長尋宥之○癸亥○甲子○乙丑以金東健為刑曹判書朴岐壽為工曹判書尹定鉉為奎章閣直閣○丙寅○丁卯○三月戊辰○己巳○庚午○辛未○壬申備局啓言今番一兩初場之舉子相聞聽聞驚駭場內操束已無可論三場策券洽過二千而纔經一宿即為出榜其何以慰多士之心成考試之體乎當該諸試官請並施譴罷之典免之官試亥○丙子○丁丑以金蘭淳為刑曹判書○戊寅上詣永禧殿展謁仍詣儲慶

徐左輔李啓朝南獻養趙鳳夏

○癸酉上展拜于景祐宮○甲戌上御春塘臺行三日製○乙

宮毓祥宮延祐宮宣禧宮展拜○己卯○庚辰○辛巳以金東健為刑曹判書
○壬午○癸未○甲申以洪敬謨為漢城府判尹朴濶榮為黃海道兵馬節度
使李膺緒為慶尚右道兵馬節度使柳永魯為慶尚左道兵馬節度使○乙酉
以閔致成為司憲府大司憲權漫為司諫院大司諫○丙戌上詣皇壇奉室行
望拜禮仍御春塘臺行叅班儒武試取賦居首李承圭之次俞致善武士金廷
根等三人並直赴殿試○以金履載為工曹判書○丁亥召見入格儒生于重
熙堂○戊子○己丑○庚寅上詣仁政殿行太廟夏享誓戒○辛卯○壬辰召
對于重熙堂○癸巳召對于重熙堂○甲午上御仁政殿行春到記講居首李
承澤賦居首李承益並直赴殿試○乙未召見入格儒生及回還冬至三使臣
于重熙堂○丙申○四月丁酉上詣太廟齋宿○戊戌行太廟夏享○己亥上
御熙政堂親受生進謝恩○庚子○辛丑○壬寅○癸卯以李穆淵為司憲府
大司憲○甲辰○乙巳○丙午慶科增廣文科覆試取琴詩述等三十三人○己酉
首金永璿○丁未○戊申慶科增廣文科覆試取琴詩述等三十三人○己酉
大司諫權漫疏略曰臣退自試所始聞場內外萬口喧傳則有一試券合封拆
名之後又得同名之兩場封彌而已拆之券汲汲推去俾不得為準云若非換

名竊科必是疊呈兩券試官中或有目見者或有耳聞者視若尋常掩置不論
豈料莫嚴之東堂有此前所未聞之事乎臣亦監試中一人臣謂諸試官并施
讎削之典其入格之券與兩封彌亟命查實後果有是事則舉子之削科與當
律施行斷不可已臣既不善糾察有此溺職伏乞勘臣當律馬批曰此事關係
何如而乃以風傳遽加論斷乎爾言太妄率矣上試官左叅贊趙秉鉉繼疏自
劾命罷其職入格人閣達鏞為先削科拿覈○庚戌以李根友為吏曹叅議李
奎鉉為司憲府大司憲洪敬謨為議政府左叅贊○辛亥○壬子上御仁政殿
行漢學文臣日次儒生殿講○癸丑日次儒生殿講居首鄭錫朝直赴殿試○
甲寅○乙卯上御重熙堂引見大臣備局堂上○以李穆淵為漢城府判尹○
丙辰上御春塘臺行慶科增廣文武科殿試文取柳進翰等三十九人武取任
泰璟等三百人○丁巳○戊午以朴岐壽為議政府左叅贊○己未○庚申○
辛酉○壬戌○癸亥○甲子教曰此囚罪犯萬殺猶輕人之無良胡至此極既
有捕查秋供之取服則不待渠招斷案已定一律施行更無可論但禮典曰潛
擦他人已入格之祕封換書已名以竊科者以一律論此則非已入格也乃未
及考也究其換名之情則較尤甚焉考諸所載之律則態有不同而肅廟己卯

科獄雖證左分明以其初無定律竟施傳生之典則今此未及考換名之無定律亦與已入格換名之無定律或可旁照者矣然則仰遵故事特貸一縷即所以體肅廟好生之盛德也換祕封罪人閔達鏞加刑一次濟州牧旌義縣燬死為奴比後則雖未及考祕封若有換名竊科者與已入格換名竊科同論載之受教○乙丑上御仁政殿行慶科增廣文武科放榜○丙寅上御重熙堂受文武新恩謝恩○五月丁卯○戊辰○己巳以李憲球為兵曹判書○庚午判義禁趙秉鉉以試事引入奉牌命平安監司補外使之當日辭朝又以其父得永被繡劾於此藩自劃教曰此家先重臣之慘遭橫逆已於先朝洞燭之昭晰之則到今有何更提之私義而至於譴補而亦自劃乎此可謂君綱臣分掃地無餘即其地定配尋命定配勿施除朝辭赴任○辛未○壬申○癸酉○甲戌○乙亥○丙子教曰判義禁許述政官牌招開政加望以入李光正朴晦壽加望○丁丑○戊寅○己卯獻納姜斗煥疏略曰臣於月前辭免之章以務聖學一事冒塵聖聰而向未數次開筵實為羣下之所共欣聳會未幾日旋即停止雖以閭巷匹庶言之稱以讀書或作或撤玩愒度日則猶未得為記姓名之人而甲竟至於魚魯之莫辨而止耳然此於匹庶不足為輕重而一國興替萬姓休

瘁皆係於殿下一身頓袪宴安之私痛加儆戒之志趨程督課磨礱尋繹則自
可以薰陶德性而今殿下倦於講讀視若鳥喙之不可食恬於遊燕不翅饑渴
之易為飲如是而聖學何以進就乎暖日輕風深居九重所玩者何書所鑑者
何人悠悠泛泛虛送光陰則聖批中體念之教其將何處而驗得耶嗚呼有犯
無隱事君之禮也諫行言聽待下之道也臣於二者無一得焉則以何顏久居
臺次乎乞遞臣所帶職名批曰所陳切實當為之加勉而魚魯鳥喙之說太涉
妄率矣○庚辰時原任大臣聯劄略曰今此姜斗煥之疏雖謂之仰勉聖學而
命意則全涉訛侮措辭則極其肆慢指斥引喻少無畏憚至敢以不取道之句
語擬之於莫嚴之地夫讜言直論聖世之所不諱獻可替否臺職之兩當言而
其言非所謂讜直而即無禮不敬而止耳非所謂獻可替否而即干紀犯分而
止耳臣等亦嘗以典學一事縷縷仰陳夙宵顙禱竄在於此苟使臺言不至甚
大悖至無狀則臣等並忝大官之列區區憂愛惟當以淵藪恢弘之量天地包
容之德仰請曲賞以補陳規之一端而惟彼斗煥罪犯罔赦義在必討伏乞亟
允三司之請批曰此疏措語之不審雖曰可駭亦不足深責則卿等或看得太
過矣然而卿等之言既如此前獻納姜斗煥施以竄配之典○辛巳中批以趙

秉龜為刑曹判書○以南獻教為吏曹參議李明迪為司諫院大司諫徐左輔為漢城府判尹洪在龍為成均館大司成○壬午○癸未○甲申召對於重熙堂○乙酉召對於重熙堂○丙戌召對於重熙堂○丁亥召對於重熙堂○戊子召對於重熙堂○己丑召對於重熙堂○庚寅召對於重熙堂○辛卯○壬辰○癸巳○甲午○乙未○六月丙申以趙存中為平安道兵馬節度使○丁酉以白皎鎮為左邊捕盜大將○以沈昌奎為慶尚左道水軍節度使○戊戌上詣徽定殿親行練祭○己亥召對於重熙堂○庚子練主都監堂郎及魂殿享官山陵守侍陵官以下施賞有差練主書寫官副護軍朴宗吉監造官奉常正金鏑並加資○中批以洪在龍為吏曹叅判○以徐憲淳為成均館大司成○辛丑○壬寅○癸卯○甲辰○乙巳上御重熙堂行藥院入診引見大臣備局堂上前平安監司李憲球請時餉於義州白馬山城龍川龍骨山城鐵山雲暗山城宣川劔山山城郭山凌溪山城從之又請於義州京別武士中援用關北親騎衛都試例分作左右列出身則為左列取其優等三人啓差境內邊將一窠閑良則為右列依前直赴以為固圍樊武之地從之○丙午○丁未○戊申○己酉○庚戌○辛亥命山清縣掛書罪人金裕璿等梟首警衆文德奎等

絕島為奴○壬子○癸丑○甲寅召對于重熙堂○乙卯召對于重熙堂○命

三嘉縣凶書罪人陳有權梟首警眾李化根絕島為奴○丙辰以徐左輔為禮

曹判書金興根為刑曹判書李若愚為工曹判書李嘉愚為漢城府判尹○丁

巳召對于重熙堂○戊午○己未○庚申都政下批以金東健為司憲府大司

憲李孝淳為司諫院大司諫○辛酉召見守令邊將初任人于熙政堂○壬戌

○癸亥備局以各道保米變通節目修正以入啓六一三軍門保軍米每名所納

元納二兩後錢五錢四分各式收捧一保軍米既每結元則三管軍需以代錢每名

代以三兩後錢五錢四分各式收捧一保軍米既每結元則三管軍需以代錢每名

是定式而保米本價則一斗五升為一錢故為結元則三管軍需以代錢每名

湖西海西則每結五錢內四錢則作米一斗二升湖南則每結五錢內三錢則

則保米所收捧米甚零星不必執結前上納米故發付於他道結米則每結五錢

他通例收捧納于均廳一結作米既保米之代則不並自均廳捧上分給自

所納各邑直納三管各該道監管米量其各邑結代則不並自均廳捧上分給自

作木茂石之意消詳錄修成冊與所收租粟同為上送於惠臨管區別劃出租

成冊下送各埠以為準此上納亦自三管及舟司各共勝去一併憑考舉行

三管結作米中每百石滿籬條十石清費條十五石支磨鍊而制局則鮮斗放

料故保米錢既作時米矣代當有充補三管保代錢之四道各邑所納八萬八

子三百二十八兩五錢自各其邑具陳省直納米均施此即結錢苟或有玩

年各邑應納數文自各該管費依結錢例施行上納限以保錢元限十月內

論多寡一辨結作米以充三營保米之代則自有剩餘而隨年豐歉其數不齊無
 礙方便用下均保額則自有定數加減不得結總則隨其豐歉贏縮各異或值
 歲餘結剩自均保額作米雖不滿保米元數若以保額所收結錢較量於米總則
 當有餘剩自均保額作米雖不滿保米元數若以保額所收結錢較量於米總則
 足之數一裁結作米之類從中計利則單荒各刑申飭於各色守令作失檢以致時
 乘機不嚴立科條另加禁斷先自各該監營各刑申飭於各色守令作失檢以致時
 可所現我則常該守令從重論處一結牌無取售奸而苟或毫分失檢以致時
 操而勤我則常該守令從重論處一結牌無取售奸而苟或毫分失檢以致時
 三百石以內則全納以某營納幾石聽錄以納牌無取售奸而苟或毫分失檢以致時
 不為同載無以致德源則該守令依大同既裝律施行裝運船價保米元船價
 倒磨鍊伴無以元載來分載成冊自各營依前以保米今既辦結作米則各
 色當以一大同斛子捧上矣若自各營依前以保米今既辦結作米則各
 保米之客移於結民也各營捧米斛子保米而不足係代錢則切勿入於停
 停焉之時不可混奉且元錢成輸則結米隨而不足係代錢則切勿入於停
 一訓局之志州保米紫營之海州平山保米隨而不足係代錢則切勿入於停
 元納於體磨鍊於作米之中保額身錢依他邑例磨鍊代錢者一結作米磨鍊中
 可徵於外補磨鍊於作米之中保額身錢依他邑例磨鍊代錢者一結作米磨鍊中
 許多奸弊難保無至犯科抵罪之地 ○甲子 ○乙丑以朴岐壽為曹判書
 條額先團乘俸無至犯科抵罪之地 ○甲子 ○乙丑以朴岐壽為曹判書
 金公鉉為吏曹參議 ○七月丙寅 ○丁卯 ○戊辰 ○己巳中批以洪在龍為兵
 曹判書 ○庚午 ○辛未以李憲球為司憲府大司憲朴晦壽為議政府左參贊

○壬申○癸酉○甲戌○乙亥○丙子○丁丑○戊寅○己卯○庚辰○辛巳
○壬午○癸未○甲申○乙酉左議政權敦仁疏辭相職許之○丙戌命內閣
所奉皇明寶錄奉安於皇壇敬奉閣○丁亥○戊子○己丑○庚寅○辛卯○
壬辰上展拜于太廟秋謁也○癸巳太白見○甲午○八月乙未○丙申上詣
仁政殿親傳南壇祭文廟釋奠祭香祝○命徽定殿祥後朔望俗節祭只一獻
舉行○丁酉○戊戌上御重熙堂召見時原任大臣請對也時有徐光近者有
不軌謀將設鞫而命捕廳從先鈎覈○己亥上御重熙堂引見大臣備局堂上
○以任聖臬為左邊捕盜大將柳基常為右邊捕盜大將李元夏為慶尚左道
水軍節度使○庚子○辛丑○壬寅○癸卯○甲辰設推鞫于本府○以李在
鶴為司諫院大司諫○教曰國勢危疑人心搖蕩此時三公之任不可不備前
領議政趙寅永前左議政權敦仁復拜相職○乙巳○丙午○丁未○戊申上
御熙政堂引見大臣備局堂上○命經筵官洪直弼特加通政與他儒賢一體
招徠○己酉○庚戌○辛亥○壬子○癸丑設秋到記于仁政殿講居首姜晉
奎製述賦居首金萬根並直赴殿試○甲寅○乙卯罪人閔晉鏞結案渠以鄙
微之武夫敢懷不軌之凶圖梟腸獍肚如鬼如蜮締結逆黨爛熳凶言江舍夜

會三人網繆者無非至凶至愾而伊霍二字是豈為人臣者所敢聞所敢言而肆然發口謀反大逆不道的實遲晚罪不待時凌遲處死○罪人李遠德結案妄藉醫技英熙之至凶而腸肚相連晉鏞之絕慮而謀議與同晉賊江舍之會許多酬酢罔非凶言而三人大用之說即此一案凶謀逆節綻露無餘誕夢破字等妖言悖說爛熳互倡於鍾協之家夫口茶飯惟意和應諸般窮凶情節古今所未有天地所不容謀反大逆不道的實遲晚罪不待時凌遲處死○丙辰○丁巳上御重熙堂召見時原任大臣金吾堂上請對也領議政趙寅永曰臣等逐日進參於鞫坐而今於罪人權時應之納招也肆發不道之說臣等心骨俱驚茲不得不相率請對稟質後舉行矣寅永等曰如此罪人不待時直捧結案斷不可已矣上曰欲仰稟東朝而處之矣寅永曰此非但東朝之罪人殿下既聞此言則又豈可晷刻靳許乎臣等今將退去直捧結案故又此仰達矣上曰即速退去舉行可也○罪人權時應結案以為行凶節次則渠肆發凶言敢犯莫嚴莫重之地萬殺猶輕晷刻難容大逆不道的實遲晚罪軍器市前路不待時凌遲處死○罪人朴醇壽結案渠本以陰慝之性敢懷樂禍之心處地自別而所締結者匪類也國恩罔極而所網繆者不軌也晉鏞江舍之夜鍾協同

席之會互相酬酢者無非至凶絕悖之說則固當骨顛膽掉奔告不暇而看作尋常隨處叅聞視若茶飯爛熳和應甘自歸於護逆之科是豈為人臣子所可忍為之事乎謀反大逆不道知情不告的實遲晚罪西小門外不待時斬○戊午以金煥為左邊捕盜大將柳相弼為右邊捕盜大將○己未上詣徽定殿親行祥祭○大司憲李憲球疏曰伏以臣於今番捕廳事竊有所駭惑者閔純鏞之就捕納供也有曰竊聽於晉賊之與諸賊酬酢之時則曰世既無金迨根金弘根柱石之臣又無如伊尹霍光之人繹其語脉何等絕悖何等可驚而及其鞫庭納招則曰此非晉賊之言即渠所自辨而旋覺其橫思誤對請為刪拔於文案中而不許云噫此何故也蓋伊霍二字即凶徒說話之屢出於鞫招者而至於上款一句從初至今絕不概見於諸囚所供及夫鞫庭之單提其上款而問之也渠既首實其自辨又復自服以橫思誤對則本事落空今不必舉論而第念囚供之毋論緊歇不敢存拔法例至嚴捕廳之不許刪拔固得體而純鏞刪拔之請亦囚供之語也其為囚供之語則一也而於此則存之於彼則拔之其存其拔雖非損益於此兩臣之事而臣未知捕廳事果將如是而後可乎抑一存一拔之際別有可取可捨之端而然乎噫驅人以亂逆天下莫慎之事片

言隻辭關係至重則為捕將者焉敢軒輊前却惟意存按無所稱停乎揆之以
事理參之以聽聞實有所究說不得者此而不嚴加處分則非但為世無完人
焉而已世道民志亦豈有寧靖之時乎臣謂當該兩捕將並施竄配之典斷不
可已矣批曰省疏具悉補將任聖○庚申教曰鄰憲疏屢日思之駭恠莫測以
捕查則直是誣罔無足多卜况於鞫查之後罪人已為自服本事今皆落空則
忽又以無形沒把之言撓及故重臣故相臣姓名登諸章奏者指意何居誠可
謂究不辭而說不去也此不可曲恕大司憲李憲球施以投畀之典○辛酉教
曰兩將臣供辭初無是事云而納符之勘雖曰屬耳見今聚軍在即前禁將任
聖臬前摠使柳基常蕩滌仍任○投畀李憲球于德源府○壬戌上詣元陵景
陵親祭○癸亥以洪鍾應為吏曹參議○判下徽定殿享官以下別單直提學
金輔根加資○元陵執禮修撰成好謙大祝校理尹定鉉景陵執禮副司果金
相稷大祝副司果曹錫兩禮房承旨趙咸永並加資○以領府事鄭元容為嘉
禮正使右叅贊李志淵為副使金英淳為吏曹叅判李奎鉉為司憲府大司憲
金在田為司諫院大司諫○校理俞錫煥疏略曰伏以臣於日昨諸臺事有不
勝萬萬駭惑者始既承牌詣闕旋仍無緣退出臺體臺例左右無當聖鑑畢燭

至有問啓之命則謂以請對無路倉皇退出者尤未可曉其日請對雖非諸臺
隨入之事臺廳傳啓固當有凌例行之者而不比之為更有何不得不退出之
端自以謂倉皇云耶壞損顛倒無復餘地且况問啓承批之前遽然徑退合啓
還給之後仍不避嫌揆以道理節節可駭不可但以溺職論臣謂日昨詰闕諸
臺並施竄配之典斷不可已批曰諸臺事固節節駭妄而爾請竄配亦欠稱停
矣但諫長避嫌中未敢知一句語與冒禁投疏者較之他臺自有輕重諫長則
施以放逐之典他臺則並削職大司諫李在樞○甲子○九月乙丑○丙寅○丁卯○
戊辰罪人崔英熙結案凶如晉德而附麗於渠奸如純樂而依歸於渠自作窩
窟情節畢露謀逆同叅的實遲晚西小門外不待時凌遲處死○罪人閔純鏞
結案出沒京鄉蹤跡極秘綢繆逆黨腸肚相連晉賊之秦養而凶謀隨處同叅
妖樂之締結而狡隱一串貫來既有斷案之自服已著城底之酬酢心字之一
畫添解何等凶言而與晉鏞而爛熳暨鍾樂而倡和謀反同叅的實遲晚西小
門外不待時凌遲處死○罪人李鍾樂結案渠本以賤孽之種濟以邪隱之性
年尚乳臭而禍心已醞生鍾戾氣而妖舌極閃所謀議者不軌之圖光近之酬
酢丁寧鍾協之證招已著是何等凶肚逆腸四月五日之言此無非至妖極誕

以至耳報之幻法神將之假托尤可見誑惑之凶計謀逆之斷案造意至惜情節難掩謀逆同參的實遲晚西小門外不待時凌遲處死金吾以大逆不道罪人遠德子龍善處絞啓○己巳配鞫囚李準于鍾城府李晉錫于會寧府尹永植于碧潼郡洪稷周于昌城府鄭基元于朔州府○庚午上移御于慶熙宮○捕廳罪人徐光近物故令漢城府依例行檢○配鞫囚孟鶴述于楸子島李鍾協于濟州牧徐永淳于黑山島○辛未上御興政堂召見時原任大臣閣臣領議政趙寅永曰清州萬東廟殿下或已洞燭乎其事體尊嚴實與皇壇無異矣其在崇奉之道合有一定之例自今每年春秋間一次令道臣奉審後別具啓聞如有修改等節則亦為啓聞舉行而道內守令中別定有司二人以為照管之地從之○以李惟秀為搃戎使金左根為兵曹判書○中批以洪在龍為禁衛大將○壬申○癸酉○甲戌行三揀擇于長樂殿○大王大妃以承傳色下教于賓廳曰大婚欲定於大護軍洪在龍家卿等之諸議何如賓廳領議政趙寅永領府臣等不勝忭賀之至○以洪在龍為領敦寧府事益豐府院君妻安氏為延昌府夫人○乙亥○丙子上御崇政殿行九日製賦居首李容佐直赴殿試○領

事鄭元容左議政權

義仁右議政金道喜

政言伏承慈教允協神人之望斯乃宗社臣民無疆之福

領議政趙寅永領府

領議政趙寅永領府

領議政趙寅永領府

領議政趙寅永領府

領議政趙寅永領府

議政趙寅永啓言前牧使洪耆變即益豐府院君之父而屢經州郡素著治績且今處地自別合有優異之典請特加一資仍令通擬於銀臺佐貳從之○教曰罪人李得奎李容植崔永默李趾遠李夏永等叅以供招俱有情犯並移刑曹嚴刑遠配其餘罪人不必更覈○丁丑上詣昌德宮行璿源殿茶禮○戊寅以金蘭淳為刑曹判書趙秉龜為漢城府判尹○己卯○庚辰○辛巳○壬午○癸未○甲申○乙酉○丙戌領議政趙寅永疏辭相職許之○以李嘉愚為刑曹判書○丁亥太白滅○戊子○己丑○庚寅以金學性為吏曹叅判趙雲澈為吏曹叅議○辛卯放李憲球姜斗煥○壬辰○癸巳上詣徽定殿齋宿○十月甲午行徽定殿禱祭○乙未○丙申上詣崇政殿月臺親傳太廟冬享香祝○忠清監司姜時永狀啓文義縣令尹禾即謀叛罪人遠德妹婿雖非應坐之親不可仍置字收之任請罷黜教曰錦伯文義罷黜之啓何也既曰應坐之外則如是論人法律豈有限制乎此路一開後獎難言忠清監司姜時永施以越俸之典○以金英淳為弘文館副提學○丁酉晝講于興政堂○戊戌召對于興政堂○己亥上御崇政殿行納采禮○以趙冀永為司憲府大司憲李啓朝為京畿觀察使○庚子○辛丑○壬寅上御崇政殿行納徵禮○癸卯上御

興政堂引見大臣備局堂上○甲辰○乙巳以李定鉉為咸鏡南道兵馬節度

使李宜植為忠清道兵馬節度使○丙午○丁未○戊申上御崇政殿行告期

禮○已酉月食既○行館錄四點權繼俞致崇朴齊璿洪祐健洪在重金英秀

尹致賢趙秉駿金世均李參鉉金敬鉉柳進翰俞致善嚴錫鼎李教英朴永輔

鄭翊朝柳晏沈熙淳洪羲宗取二十人○庚戌○辛亥上御崇政殿冊洪氏為

王妃○壬子備局啓言北評事李玄文下去時受人請囑楊州居民李萬貞濫

棍致死雖奉命使臣私事殺人者亦償命既有本律無容更議李玄文不可仍

置評事之任為先罷職所犯罪狀令道臣如法舉行本道守令中假評事差定

俾為監市之意請知委於該道道臣允之○癸丑○甲寅上詣本宮親迎○行

同牢宴于光明殿○乙卯上御崇政殿頒教受賀赦○丙辰○丁巳以金興根

為漢城府判尹○戊午教曰進圭都承旨洪學淵傳教官禮房承旨洪鍾應並

加資又教曰陳賀時宣教官趙道淳加資○判下嘉禮都監都提調以下賞典

別單都廳應教鄭基世副應教李時愚司饗院正金穰根並加資○己未上御

興政堂召見三使臣冬至正使興完君殿應副辭陛也○持平李教英疏略曰

向來閱致文特進官之抄啓烏為乎視同無故而有此混掄也父子兄弟雖曰

罰不相及此指微膏薄過之容或叅怒者而言耳夫豈有其子名在拿鞠臺論
方峻律止減死公議尚沸而乃使其父晏然得與於廷臣之選者揆以國網寧
有是哉臣謂特進官閔致文亟命刊去前副提學金英淳施以警責斷不可已
批曰此事予亦訝之爾言如此刊去之請依施前副學警責云者言甚模糊將
何為準○庚申○辛酉○壬戌上展拜于太廟景慕宮中宮殿行廟見禮○癸
亥命亂言罪人金載華集首警衆○十一月甲子○乙丑以趙秉龜為禮曹判
書○丙寅○丁卯○戊辰○己巳以洪學淵為司憲府大司憲俞章煥為司諫
院大司諫○以趙在慶為成均館大司成○庚午○辛未○壬申○癸酉上御
興政堂引見大臣備局堂上左議政權敦仁啓言向來前持平李教英以閔致
文特進官抄啓事陳疏論列其言誠是矣批旨已蒙依施更無可論而第其請
勘前副學之辭實不勝慨歎所謂警責未知何所指的和臺閣風采專尚直截
今以律例所無似勘非勘之目團圖仰請者雖或坐於生踈臺例臺體俱不當
若是苟且前持平李教英施以譴罷之典前副提學金英淳不審之失亦不可
以既往而置之請一體罷職從之○命朝臣祖父母移葬由狀政院許捧○以
金大根為江原道觀察使○甲戌○乙亥○丙子○丁丑○戊寅中批以護軍

安光直為刑曹判書○己卯○庚辰○辛巳○壬午○癸未○甲申召對於興

政堂○乙酉○丙戌召對於興政堂○丁亥上御崇政殿設柑製賦居首宋廷

和之次趙秉夔並直赴殿試○戊子召見入格儒生于興政堂仍行晝講○己

丑召對於興政堂○庚寅召對於興政堂○辛卯○壬辰○十二月癸巳○甲

午○乙未○丙申○丁酉召對於興政堂○戊戌○己亥○庚子○辛丑○壬

寅上御興政堂引見大臣備局堂上○命朝服中耳掩以三山巾代之堂上以

貂皮堂下以黑皮飾綰○以趙鶴年為吏曹參判趙容和為刑曹判書李憲球

為漢城府判尹○癸卯備局以庭試初試分京外試取節目啓一庭試初試依

例分設於京外而鄉試所別以各道監管都察院行遣之試取一初試會于

之數自禮曹臨時稟定後備照於增式分數平均分官守令則以陰官守令推

發差定一單日關場以職表兩題試取依京師成原時例一出榜後考籍如有

例籍貫赴之類一拔去舉子依律勘錄一榜目及居首科作榜聞依增式已

漢南之左右兵營關北之南兵營自當依前分設而湖南關西並設

為定式一依增式例舉行○甲辰○乙巳○丙午上詣崇政殿親傳社稷宗廟景慕
宮臘享香祝○丁未○戊申○己酉○庚戌行日次儒生殿講于崇政殿○璿
源譜牒續成都監堂郎以下施賞有差宗簿正姜必魯加資○辛亥教曰日次

儒生殿講居首洪鍾雲直赴殿試○壬子上御興政堂召見入格儒生及江原
監司金大根大根辭陞也○癸丑○甲寅○乙卯○丙辰○丁巳○戊午以趙
冀永為兵曹判書李惟秀為工曹判書○己未○庚申○辛酉○壬戌京兆獻
民數五部及八道都元戶一百五十八萬二千六百七十三戶人口男三百三
十五萬九百五十一口女三百三十六萬八千六百九十七口

(B)
732.55
4724
[v.28]
no.6
0230299

昭和七年七月十五日印刷
昭和七年七月二十日發行

(景李朝實錄太白山本)

京城帝國大學法文學部

京城府蓬萊町三丁目六十二番地

印刷所 朝鮮印刷株式會社

(B)

732.55

4724

[v.28]

no.6